

chridatij vier loth / Essentiæ lapidis Bezoar vund Essentiæ Vnicornu
 oder Einhorns / jeglichs ein loth / Essentiæ Perlarum & Corallorum eins
 jedern drey quintin / Extracti Croci Orientalis anderthalb loth / Extra-
 cti Boli Armeni zwey loth / Extracti terræ sigillatæ ein loth / Extracti
 Cinamomi ein loth / Extracti Ambræ Griseæ & Musci Orientalis, jeg-
 liches anderthalb Scrupel, die Extracta von Muscatenblumen vnd von
 den Nägeln eins jedern drey quintin / des Extracti Angelicæ vier loth /
 Extracti radicis Petasitis oder Pestilenzwurzel / der Allandtwurzel /
 Meisterwurzel / Nibischwurzel / Schwalbenwurzel / Christwurzel / Rha-
 barbaræ, Zitwer / Galgant / jegliches anderthalb loth / Extracti der Wach-
 holderbeeren / anderhalb pfundt / der destillirten Oliteten Aloepatici,
 Myrrhæ, Weyrauch vnd Masticis, jegliches ein loth / des rechten durch
 Extrahirung des Spiritus vini wolbereiten Balsami sulphuris sechs loth /
 alles auff's fleissigste vnd beste wol vntereinander vermischet / damit es ein
 dünnes Electuarium oder Eclegma werde.

Dieses Electuarij oder Lattwergen allwege auff einmahl eingege-
 ben / eins zwey bis in drey Scrupel schwer / in einem trücklein Wein / oder
 nach gelegenheit in bequemen gedestillirten Wassern / auch wol in Essig /
 oder andern dienlichen mitteln / wie es die gebrechen vnd vmbstände erfor-
 dern / vnd darauff im Bette / oder durch gehen / oder andern bewegungen
 auch wol etwann im Schweißbadt wol geschwitzet / so wirdt man es / ob
 Gott will / allem gifte so innerlich vund eusserlich dem Menschen bey-
 bracht worden sey / widerstendig befinden / außgenommen dem gestos-
 sen Diamanten Pulver.

Vom Schlangen / fürnemlich aber der Matern oder St-
 tern Alcool oder Pulver / welches wieder alle Gifte ein mittel / das
 beydes den Gifte austreibet / vnd darfür præ-
 feruirt.

Wann der Schlangen die Haut abgezogen / so soll der Kopff vñ der
 Schwanz wegwerffen werden (das feiste soll man von dem eingewende
 abnehmen / vnd soll es besonders für eine sonderliche Arzney zum Augen
 vnd